



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

In illud Ioannis, iam die festo mediante. Sermo LXXXV.

[urn:nbn:de:hbz:466:1-50232](#)

executor strenuus perquirebat. Certè prophetia magis, quam cunctatio fuit. Nam cur talia peteret, nisi à Domino ad indicium resurrectionis suæ seruata sola vulnera prophetali spiritu cognouisset? Denique sponte præstigit cæteris, quod iste tardius implorat. *Venit, inquit, Iesus, & stetit in medio, & ostendit eis manus & latas.* Nam qui ingressus fuerat clausis ostiis; & merito à discipulis spiritus esse putabatur: non aliter ipsum se, nisi ipsa corporis passione, ipsis vulnerum notis, taliter dubitantibus, poterant approbare. Denique venit & dicit Thoma: *Infer digitum tuum huc, & vide manus meas, & affer manum tuam, & mitte in latas meum, & noli esse incredulus, sed fidelis.* Ut effundant toto orbe, iterum te aperiente, hæc vulnera fidem, quæ aquam in lauacrum, sanguinem in omniū premium iam fuderunt. Respondit Thomas & dixit: *Dominus meus & Deus meus.* Veniant & audiant hæretici: & sicut dixit Dominus, non sint increduli, sed fideles: Ecce non solum corpus humanum, sed per pœnalis corporis passiones; Deum & Dominum esse Christum, Thoma vociferante, manifestant. Et verè Deus est, qui viuit ex morte, resurgit ex vulnera: qui talia & tanta cum suscepere, viuit & regnat Deus, per omnia sæcula sæculorum. Amen.

In illud Ioannis, I am die festo mediante.

Sermo LXXXV.

ET si aliquavidérut occulta sui profûditate mystérij, nulla tamen est Ecclesiastici cultus infructuosa solennitas, diuina festivitas non pro nostris est voluntatibus consecranda, sed pro suis est percolenda virtutibus: Christianus animus quæ sunt traditione Patrum, & ipsis roborata temporibus, nec in desperationem deducere, sed venerari

ea

ea toto desiderat deuotionis eloquio. Iam die festo, ait, mediante, ascendit Dominus in templum. Quod tem-

plum? Nescitis quia templum Dei estis, & Spiritus Dei habitat in vobis? Ascendit hodie Dominus nostri pectoris in templum, qui tam clementer nostri corporis descendit in formam: quod autem ascensus Dei fit in humani cordis excelsa: beatus Propheta

Psal. 85. afferit, cum decantat, Beatus vir cuius est auxilium abs te Domine, ascensus tui in corde eius. Iam die festo mediante, ascendit Dominus in templum. Merito die festo mediante ascendit Dominus in templum, quia nobis erat perfectum diem festum præstaturus è cœlo: quicquid sublime, quicquid ad cœlum tendens in cordibus habebatur humanis, usque ad infernum Dominicæ pondus incuruauerat passionis. Id nam-

que est, quod Christus quadraginta diebus resideret & remoratur in terris: & si dici fas est, patris occursum differt, patris suspendit amplexum, donec totum se releuet, & reformat suæ ascensionis in gloriam. In cuius ergo templo hic non ascenderit Christus, cœlum non ascendet ille cum Christo. Ascendit in templum, & docebat, & mirabantur Iudei, dicentes, Quomodo hic literas scit, cum non didicerit? Bene mirantur Christum, quod non didicerit scire, quando ipsi probantur, quæ didicerint & doceant, legis præcepta nescire: dicente Domino: Tu es Doctor in Israël, & hæc ignoras? Mirantur Iudei iam rebelles, nolunt credere: mirari norunt; detrectant sapere, nescire possunt.

Mirabantur Iudei, dicentes, Quomodo hic litteras scit, cum non didicerit? Quid Virgo peperit derogas, non miraris: quod Deus nostro sentitur & operatur in corpore abrogas, non fateris: quod cæcus videt, surdus audit, claudus currit, surgit mortuus, & tota Christus arcana Dei loquitur, non miraris? hoc solum quod sciat

Act. 1.

Ioan. 3.

sciat cùm non didicerit, hoc miraris? Hic est ipse qui non didicit literas, sed donauit: hic est qui sensum condidit per quem literæ finguntur: Peritus legis, auctor omnium cur literas non didicerit, admiratur? Deus utique adest origo cunctorum, qui facit esse quod non fuit: cùm non didicerit, docet. *Deesse videntur non paucæ.*

*De annunciatione & conceptione divi Ioannis Baptista,
Sermo LXXXVI.*

Mundanus sermo, vt humano profertur ex sensu, humanis seruit & obsecundat ingenii: Divinus vero sermo in potestate dantis est, non dicentis. Audistis quemadmodum Zacharias ille summi sacerdotij splendor dum exorat, obmutuit: tacuit pater vocis, Ego, inquit, vox clamantis in deserto, genitor clamoris obmutuit: & egressus silentium retulit, qui responsa relaturus intrauerat. Videris ergo, quia silentium meum quod antea contrastauit vos, venit de antiquo pontificali usu non de nouitatis incursu. Ille ubi sensit linguae suæ vincula sui ianuam clausisse sermonis, imperauit nutu, ne quis causas taciturnitatis inquireret, quia cœleste mysterium dicere non didicerat, qui didicerat scire: sed hoc ad tempus, quia sacerdotis differtur sermo, non aufertur: reconditur, non negatur: mysterio suspenditur, non fugatur: denique Zacharias ipse quod taceret, non est poena, sed signum: non est terrena debilitas, sed cœleste secretum: Deus qui loqui dat, tacere facit: & imperat silentium, qui inserit verbum: dominatur diuinus sermo, non seruit, quia Deus verbum: & ideo non cum iubetur, loquitur, sed cùm iubet: non cùm exigitur, sed cùm donat: non cùm cogitur, sed cùm